

Supervizor upozorava da bi prijetnje Ustavu i institucijama Bosne i Hercegovine mogle dovesti do preispitivanja Konačne odluke za Brčko



Supervizor za Brčko Louis Crishock razgovarao je sa Clintom Williamsonom, predsjedavajućim arbitrom Tribunala za Brčko i napomenuo da Tribunal pažljivo prati najnovija dešavanja u Bosni i Hercegovini. Supervizor i predsjedavajući arbitar zajednički su naglasili činjenicu da, prema Konačnoj odluci Arbitražnog tribunala, a i prema Ustavu Bosne i Hercegovine, Brčko Distrikt postoji u okviru suvereniteta BiH i podređen je institucijama BiH.

Nagoviještene prijetnje rukovodstva Republike Srpske usmjerene protiv državnih institucija i ustavnog poretka BiH bi stoga mogle imati ozbiljne implikacije za Brčko Distrikt. Supervizor Crishock pozvao je sve aktere da poštuju nezavisnost pravosuđa i da izbjegavaju sve radnje koje bi ugrozile ustavni poredak BiH ili državne institucije, ističući da se može pojaviti potreba da Tribunal za Brčko procijeni da li su takve radnje u skladu s odredbama Konačne odluke.